
ВИЛОЯТ ҲОКИМИ ХАЙРУЛЛО БОЗОРОВ ҚЎШТЕПА ТУМАНИДА ҚУРИЛИШ ИШЛАРИ ЯКУНИЙ БОСҚИЧГА КИРГАН ТАДБИРКОРЛИК ЛОЙИҲАЛАРИ БИЛАН ТАНИШДИ

Айни кунларда “Қумтепа” МФЙда “Қўштепа Роввот таъмир” оилавий корхонаси томонидан тулука маҳсулотлари ишлаб чиқариш фаолиятини ташкил этиш лойиҳаси якунига етказилмоқда. Бунинг натижасида корхонада асосан қурилишда муҳим хомашё бўлган тулука маҳсулотлари, бунга қўшимча равишда кенг ассортиментдаги дарвозалар ишлаб чиқарилиши режалаштирилган. Ҳозирда бу ерда дастлабки босқичда ишлаб чиқарилаётган ранг-баранг турдаги тулука маҳсулотлари харидорларга жуда ҳам манзур бўлмоқда. Айни пайтда 15 нафар ёшларни доимий иш ўрни билан банд қилган тадбиркор лойиҳани тўла қувватда ишга тушириш ҳисобига қўшимча иш ўринлари яратишни мақсад қилган.

“Отабек Ойбек саховати” МЧЖ томонидан мебель маҳсулотлари ишлаб чиқариш лойиҳаси бўйича ҳам сўнгги қурилиш-монтаж ишлари олиб бориляпти. Лойиҳа ташаббускорининг 5 миллиард сўм ўз маблағи сарфланиши ҳисобига корхонада офис ва хонадонлар учун мебель жиҳозлари ҳамда бунинг учун керакли аксессуарлар ишлаб чиқарилишига эришилади.

“Истиқбол” кичик саноат зонасида жойлашган “Target max” МЧЖда шуруп ва саморез маҳсулотлари ишлаб чиқариш лойиҳаси учун 23,8 миллиард сўм маблағ жалб этилиб, 2022 йилнинг декабрь ойида ишга туширилди, Хитой давлатидан ускуна ва жиҳозлар олиб келиб ўрнатилди ва ҳозирда синов тариқасида дастлабки ишлаб чиқариш жараёни олиб борилмоқда. Тадбиркор Улуғбек Раҳимжонов корхонада жаҳон андозалари даражасида қурилиш ашёлари ишлаб чиқаришни режалаштирмоқда.

Янги корхоналар фаолиятини ўрганиш мобайнида вилоят ҳокими тумандаги тўртта сектор раҳбарига бу каби тадбиркорлик субъектларини янада кўпайтириш ҳисобига Қўштепада ишсизлик даражасини кескин камайтириш ва аҳолининг муқим даромад манбаларини яхшилаш бўйича вазифалар юклади.

Бизни ижтимоий тармоқларда кузатинг

[Facebook](#), [Telegram](#), [Facebook](#), [YouTube](#), [Instagram](#)

2023-03-01 21:53:23